

Ontmoeting 4

Salomo, die slimste man op aarde

Kinders leer dat God ons help om die regte ding te doen en vir ons die nodige talente gee.

Teks: 1 Konings 1–4 (kies self spesifieke verse/hoofstukke)

Hulpmiddels:

- Albasters of klippies, krale, koekies
- 2 bakke of bottels
- Afdrukke van koning Salomo op die troon
- A3 afdruk van spreuke of Bybels
- A3 afdruk van spreuke wat geteken kan word
- Karton/papier vir elke kind
- Versierings en skryfbehoeftes



Welkom

“So waar, so waar”: Die leier sal iets sê soos: Ek het as kind netbal gespeel. Is dit waar?

As die kinders reg raai, gooi h klip in die kinders se bottel. As hulle nie reg raai nie, gooi h klip in die leidster se bottel. Kyk wie het die meeste klippies aan die einde.



Wyding

Stilword-ritueel uit Psalm 23: Laat die kinders kruisbeen sit en hulle oë toemaak. Herhaal 3 keer. “Die Here is by ons.” Sê nou hardop: “Omdat die Here my Herder is, is ek nie bang nie. Hy lei my deur die donker tye en Hy versorg my.”



Woord

Vra: Sal jy stres as...

- jy voor die hele skool ‘n toespraak moet gee?
- jy by die interskole moet hardloop en almal sê jy moet wen?
- jou ouers gesê het daar moet net die hoogste punte op jou rapport wees?

Salomo was die seun van koning Dawid en sy pa het hom laat self as sy opvolger. Salomo was lief vir die Here, maar hy was bang om koning te wees. Die Here het in die nag in h droom aan Salomo verskyn en vir hom gevra: “Wat wil jy hê moet Ek vir jou gee?” “Here,” het Salomo geantwoord, “U was altyd by my pa Dawid. Hy was gehoorsaam aan U. Here, U het my koning gemaak in my pa se plek. Ek is nog so jonk en onervare. Ek stres. Hier is so baie mense. Ek kan nie op my eie hulle leier wees nie. Gee my gehoorsaamheid aan U en insig in alles, want sonder U hulp kan ek nie oor die volk regeer nie.”

Die Here was bly oor wat Salomo gevra het en het gesê: “Dit is vir My goed dat jy nie gevra het om ryk te wees, om lank te lewe of om altyd jou vyande te wen nie. Daarom sal Ek jou die slimste man op aarde maak. Bly jy net getrou aan My. Ek sal ook sorg dat jy baie ryk en beroemd word en lank lewe.”

Salomo was so opgewonde dat hy 'n groot fees in Jerusalem gereël het.

Die mense het gou agtergekom hoe slim Salomo was. Hy kon maklik die verskil sien tussen leuens en die waarheid. Hy kon ook baie goeie besluite neem. Dit het goed gegaan met almal in die land en almal was gelukkig en veilig en het genoeg gehad om te eet.

Eendag kom daar twee vroue by die paleis aan. Hulle het elkeen 'n babatjie gehad, maar in die nag is een van die babas dood. Nou was daar net een baba en albei die vrouens het gesê dis "haar" baba. Die een wie se baba dood is, het gemaak asof die lewende baba hare was. Niemand het gesien watter baba behoort aan watter mamma nie. Net die mamas het geweet, maar een het gejok. Watter een het gejok? Dit moes Salomo uitvind. Hy gee toe die baba vir een van die soldate en maak asof hy wil hê die soldaat moet die baba middeldeur kap. Hy het geweet dat hy sou kon sien wie die regte mamma is, want sy sou die meeste omgee vir die baba. Dit was toe ook so. Die vrou wat gejok het, sê toe: "Kap maar, dan het nie een van ons 'n baba nie." Die regte mamma sê: "Asseblief, moet hom nie seermaak nie. Gee hom eerder vir haar. Laat hom net lewe." Salomo weet toe dat daardie mamma die een is wat lief is vir die baba en nie wou hê hy moet seerkry nie. Daarom gee hy toe haar kind vir haar terug.

Konings het van ver lande gekom om na Salomo te luister, want hulle kon enigiets vir hom vra en hy het hulle goed geantwoord. Salomo het duisende liedere, gedigte en spreuke geskryf. Baie daarvan is in die Bybel.

Kinders kry tyd om oor die verhaal te dink:

1. Ek wonder hoe voel dit om so wys te wees.
2. Ek wonder wat sou jy van God vra as Hy vir jou vra wat jy graag wil hê.
3. Ek wonder wat sou jy doen as jy so wys was soos Salomo.



Werskaf

- **Neem 'n spreuk huis toe:** Laat die kinders 'n spreuk kies van die bladsy of laat hulle een uit die Bybel kies. Kinders skryf dit oor op karton/papier en versier dit.
- **Teken 'n spreuk:** Kies spreuke wat jonger kinders kan teken, lees dit vir hulle en laat die kinders nou een van hulle keuse teken.
- **Voltooi die prent** van koning Salomo en die twee mamas. Teken die mamas, die baba en die soldaat by.

Sluit af met die seënbede



Spreuke 10:20

Die woorde van die regverdige
is die fynste silwer werd;
die gedagtes van die goddelose
is min werd.

Spreuke 6:6

Gaan kyk na die mier, lui aard,
kyk hoe hy werk en leer by
hom.

Spreuke 10:1

'n Wyse seun maak sy vader en
moeder bly; 'n dwase seun
maak hulle hartseer.

Spreuke 3:6

Ken Hom in alles wat jy doen en
Hy sal jou die regte pad laat
loop.

Spreuke 26:27

Wie 'n gat vir ander grawe, val self daarin; die klippe wat hy
gooi, sal na hom toe terugkom.

Spreuke 26:2

Soos voëltjies wat verbyvlieg en nie
gaan sit nie, so gaan 'n vervloeking by
jou verby as jy dit nie verdien nie.

Spreuke

Spreuke 31:30

Uiterlike skoonheid hou nie, 'n
mooi voorkoms is nie alles nie;
as sy die Here dien, dan
verdien 'n vrou om geprys te
word.

Spreuke 28:6

Liewer arm wees en eerbaar
lewe as oneerlik lewe en ryk
wees.

Spreuke 26:18,19

Soos 'n mal mens wat dodelike
pyle rondskiet, so is iemand wat
ander bedrieg en sê: "Ek speel
sommer."

Spreuke 27:17

Yster slyp yster, vriende vorm mekaar.

Spreuke 26:22

'n Geskinder is soos lekker kos, mense sluk dit so maklik.